

1. VRSTA PRIJAVE

Timska

Individualna

2. LIČNI PODACI (Ukoliko je timska prijava onda se unose podaci za sve učesnike/ce)



a. IME I PREZIME
ARIJANA ALISPAHIĆ

b. ADRESA

c. TELEFON

d. E-MAIL ADRESA
arijana_kamaric@yahoo.com

e. ZVANJE
Magistar bibliotekarstva

f. BROJ ČLANSKE KARTICE ZAJEDNICE INOVATIVNIH
NASTAVNIKA/CA

3. RADNO MJESTO

a. Naziv ustanove:	JU OŠ „SOKOLJE“ SARAJEVO
b. Adresa:	NUMAN PAŠE ĆUPRILIĆA 25
c. Telefon:	033/778-962
d. Posao koji obavljate:	STRUČNI SARADNIK-BIBLIOTEKAR
e. Razred ili uzrast djece sa kojom radite:	SVI (1-9)
f. Godine staža:	18

4. MOJA PEDAGOŠKA UVJERENJA (Ukoliko je timska prijava onda navodite zajednički tekst o pedagoškim uvjerenjima) *minimalno 100 - maksimalno 300 riječi*



FORMULAR ZA PRIJAVU /NAGRADA ZA INOVATIVNE NASTAVNIKE/CE 2021.

Smatram da je uloga edukatora (nastavnika, stručnog saradnika...) da bude moderator, neko ko će usmjeravati i uticati na učenike da osavremene proces učenja, te da kod učenika razvije samostalnost kod snalaženja u upotrebi raznih informacijskih izvora. Vjerujem da svi podjednako možemo sudjelovati u procesu učenja, prema mogućnostima i potencijalima. Da bismo uspjeli u tome, edukator uvijek mora biti otvoren za „rad na sebi“ i da prevaziđe užestručni krug učenja i djelovanja. Obzirom da nefleksibilan NPP i predviđeni sadržaji ne ostavljaju puno prostora za razvoj kreativnosti i kritičkog mišljenja kod učenika, smatram da osim primjene inovativnih metoda i strategija na času, neformalni oblik učenja (radionice, projekti, sastanci, debate, ...) otvara prostor za građenje pozitivne, poticajne atmosfere učenja, stalnog promišljanja o sadržajima, povezivanja stečenog znanja sa životnim izazovima i situacijama. Vjerujem da svi u čvrstom lancu obrazovno-odgojnog procesa imamo zajednički cilj, a to je uspjeh učenika. Ne zanemarujući važnost formativnog ocjenjivanja, mislim na uspjeh učenika u smislu razvijanja životnih kompetencija i vještina, koji svakako počinju sa informacijskom i medijskom pismenošću i kritičkim promišljanjem.

5. INOVATIVNA PRAKSA

NASLOV/NAZIV:	PEN PAL – UČENIKU IMA KO DA PIŠE...
KRATAK OPIS PRAKSE (do 200 riječi - jedan paragraf):	Učenici IX razreda povezali su se sa svojim vršnjacima iz škole Het Bouwens u Panningenu, u Nizozemskoj. Učenici su se tokom 6 sedmica upoznavali i družili u online okruženju. Nakon toga su izradili pasoše kojima su predstavili nove prijatelje, kulturu, tradiciju, sistem školovanja, i druge zanimljivosti o njima, njihovom gradu i državi. Zajednički su izradili „pečat“ u pasošu kako bi potvrdili virtualno putovanje u Nizozemsku, odnosno u Bosnu i Hercegovinu. Cilj je iskoristiti društvene mreže i komunikacionu tehnologiju za učenje, druženje, upoznavanje i istraživanje. Također, učenici su kroz razgovore i izradu pasoša razvijali svoje digitalne i komunikacijske vještine i unaprijedili poznavanje engleskog jezika, te pokazali razumijevanje medijske i informacijske pismenosti. Na najbolji način su predstavili sebe, svoju školu i svoju domovinu. Stekli su prijatelje, učili kroz neformalni razgovor, istraživali i naučili selektovati, vrednovati informacije te ih predstaviti.
KATEGORIJA (Molim Vas da označite odgovarajuću kategoriju)	STRUČNI SARADNICI NA SVIM NIVOIMA ODGOJA I OBRAZOVANJA

DETALJAN OPIS:

POLAZIŠTA (Šta je prethodilo opisanoj praksi; kako je i zašto došlo do primjene opisane prakse?)

minimalno 200 - maksimalno 400 riječi

Inicijalna ideja, prvi „klik“ je krenuo u Stepu i od Step. U toku procesa online nastave, u okolnostima rada u jeku pandemije, kao i većina edukatora, trudila sam se da istražujem, pitam, razmjenjujem ideje i prakse na mrežama. U okviru Stepovih aktivnosti koje su bile pomoć i inspiracija tokom jedne izuzetno teške godine, bila je i rubrika *Razglednice iz svijeta* koje su govorile kako teče online nastava u drugim zemljama. Razglednicu iz Holandije poslala je kolegica Azra Saračević, profesorica engleskog jezika u školi Het Bouwens u Nizozemskoj, koju sam kontaktirala i zajedno smo došli na ideju o realizaciji prakse. Edukatori su se povezali, razmjenjuju ideje, probleme, rješenja. A djeca?



NAGRADA ZA
INOVATIVNE
NASTAVNIKE

Da li učenike u različitim državama, u drugačijem sistemu obrazovanja, odgoja, kulture i tradicije povezuje „zajednički, globalni problem“ – njihova budućnost. Osnovno polazište je bilo povezati učenike i iskoristiti društvene mreže i komunikacionu tehnologiju za učenje, druženje, upoznavanje i istraživanje, a pri tome ostvariti osnovne ciljeve i ishode koje smo zajedno sa učenicima postavili. Kao polazište poslužio je Pen Pal, koji smo prilagodili i stvorili jedan novi koncept upoznavanja i učenja, koji podrazumijeva informacije o učeniku, državi (gradu), sistemu školovanja, kulturi i tradiciji i interesovanjima učenika. Posve je jasno da današnja djeca koriste i vole tehnologiju, i upravo zbog toga ne treba ih “odvajati” od nje, nego ih pustiti da komuniciraju, rade i istražuju u njihovom “sigurnom” okruženju, a to je danas digitalno okruženje. Edukatori imaju ulogu mentora koji učenike osnažuje i podučava da razviju vještine snalaženja u vrtlogu informacija i medijskih sadržaja.

CILJ I ŽELJENI ISHODI (sa kakvim ciljem ste realizovali navedenu praksu; šta ste željeli postići)
minimalno 50 - maksimalno 200 riječi

Cilj je da učenici razviju jezičke i govorničke kompetencije i vještine, da postanu elokventni, da razvijaju govorništvo, socijalne vještine, usvoje pravila komunikacije. Da stečeno znanje iz engleskog jezika i digitalne vještine primjene u svakodnevnom životu.

Cilj je da razviju medijsku i digitalnu pismenost, nauče da uče, i da uz primjenu odgovarajućih metoda, strategija, vještina nauče da „stvaraju novo znanje“, te da nauče prezentovati informacije i sadržaje.

Ishodi:

1. Učenici će primijeniti usvojena znanja iz engleskog jezika i informatike
2. Učenici će usavršiti vještine komunikacije- sposobnost započinjanja, razvijanja i efektnog kraja razgovora
3. Učenici će analizirati i uporediti školske sisteme iz dvije države
4. Učenici potiču i predlažu nove ideje i predlažu rješenja
5. Učenici stiču samopouzdanje i sigurnost pri svakom javnom nastupu
6. Učenici rade na razvoju vlastite ličnosti
7. Učenici prosuđuju na osnovu argumentacije i uče da nude nova rješenja
8. Učenici će kreirati i prezentirati samostalni rad i izvršiti samoprocjenu i procjenu rada

DETALJAN OPIS REALIZACIJE (Opis postupaka i koraka u realizaciji. U tekstu naznačite naziv i broj priloga koji se odnosi na taj segment/fazu realizacije.)

minimalno 300 - maksimalno 1000 riječi

UVOD

Nastavnica engleskog jezika iz Nizozemske i bibliotekarka JU OŠ „Sokolje“ detaljno su razradili plan i program aktivnosti za učenike, ciljeve, ishode, kao i način prezentacije samostalnih završnih radova.

Aktivnost 1

Učenici (11 učenika iz OŠ „Sokolje“ i 11 učenika iz Panningena) su na zajedničkom sastanku (Office 365-Teams) upoznati sa idejom i načinom realizacije aktivnosti, te smo zajedno sa njima proširili prvobitne ciljeve koje smo postavili. Na ovom sastanku učenicima su dodijeljeni penpal drugari, metodom slučajnog uzorka.

Aktivnost 2

Razgovor sa učenicima o osnovama komunikacije, posebno komunikacije putem e-pošte, vibera i msn-a.



Aktivnost 3

Na sastanku putem platforme bibliotekarka škole sa učenicima detaljno je prošla kroz faze rada na zajedničkom pasošu. (**Prilog 1 Fotografija sa uvodnog sastanaka, 5 faza rada na pasošu**)

Aktivnost 4

Tokom rada uključene su i nastavnice engleskog jezika i informatike (Ena Čelik i Maida Herac), kako bi učenicima pružile podršku i pomoć tokom izrade završnih radova, te i vrednovala učenike kroz zajednički rad. (**Prilog 2 Fotografija sa konsultacija sa nastavnicom engleskog jezika**)

Aktivnost 5

Tokom rada održani su konsultativni sastanci i diskusije sa svim učesnicima. (**Prilog 3 Fotografija – razgovor i diskusija tokom izrade završnih radova**)

Aktivnost 6

Na završnom događaju prezentovani su pasoši i pečati. Učenici su razgovarali da li su na osnovu upita dali dovoljno validnih informacija, da li završni radovi zaista predstavljaju ono što su imali da kažu, da li su podaci tačni, provjereni. Analizirali su pasoše i razgovarali o sistemu školovanja (posebno u uslovima pandemije). Nudili su rješenja i primjere kako bi se nešto moglo „prenijeti i ugraditi“ u naš sistem obrazovanja, te ponudili neke ideje rada iz naše školske zajednice. (**Prilog 4 Fotografija- predstavljanje završnih radova-pasoša; Prilog 5 Fotografija – prezentacija pečata; Prilog 6 Fotografija –analiza i samoprocjena završnih radova**)

Aktivnost 7

Učenici su samoinicijativno dodatno željeli da naprave kratak osvrt na aktivnosti i način učenja koji su realizovali tokom rada na cjelokupnom projektu. Svoj osvrt i ideje prezentovali su u školskoj zajednici (putem Teamsa) gdje su dali konkretne prijedloge i ideje u načinu poučavanja i izvođenja nastave. Nekoliko nastavnika je pozdravilo ove ideje i unijelo promjene koje su im učenici predložili. (**Prilog 7 i 7a Fotografija- analiza i poređenje-davanje prijedloga i ideja za nova rješenja; Prilog 8 Fotografija- osvrt na cjelokupan rad; Prilog 9 Fotografija – osvrt na cjelokupan rad**)

EFEKTI; POSTIGNUTI REZULTATI (*Koje ste rezultate postigli? Kako to znate i čime možete potkrijepiti?*)
minimalno 200 - maksimalno 400 riječi

Konačni rezultat prakse su 22 samostalna, istraživačka rada-pasoša učenika koji su predstavljeni unutar školskih zajednica (u Sarajevu i Panningenu), a koji ujedno govore o poboljšanju učeničkih vještina komunikacije, načina predstavljanja i prezentacije rezultata rada. Jednako važni (možda važniji obzirom na okolnosti) su nemjerljivi rezultati realizacije ove prakse: komunikacija, druženje, upoznavanje, razmjena mišljenja, pogleda, stavova, dijeljenje želja, ambicija i pogleda na budućnost, koji su više iskazani u njihovoj privatnoj komunikaciji tokom zajedničkog rada. Rezultat prakse su i ideje i prijedlozi učenika o stilu poučavanja, metodama i strategijama, te konkretnim prijedlozima za izvođenje nastave. Nastavnici engleskog jezika, informatike i matematike su prihvatili prijedloge i „uklopili“ ih u svoj rad sa učenicima.

Dodatni komentari i sugestije drugim nastavnicima koji bi željeli implementirati vašu ideju





FORMULAR ZA PRIJAVU /NAGRADA ZA INOVATIVNE NASTAVNIKE/CE 2021.

Praksa je primjenjiva u svim školama, za sve edukatore u osnovnim i srednjim školama. Praksa se može kombinovati i kao vid projektne ili redovne nastave, posebno iz maternjeg i stranih jezika i informatike, geografije, biologije, građanskog obrazovanja..., kao i vannastavnih aktivnosti. Praksa može postati uobičajeni, trajni način rada uz dodatne izmjene, prijedloge i ideje.

